

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Johannis Segeri Weidenfeld De Secretis Adeptorum Sive
Usu Spiritus Vini Lulliani Libri IV**

Weidenfeld, Johann S.

Londini, 1684

72. Alia ejusdem authoris - Viride salis Basilii

[urn:nbn:de:bsz:31-96282](#)

spiritu vini (*phil.*) & impurum in fundo decidet, quod separa, purum verò in frigido cristallisetur, affunde iterum destillatum & toties cohoba donec oleum fixum in fundo remaneat & nihil dulce postea transgrediatur.

Deinde hoc oleum salis ut menstruum, sui ipsius processum in Chirurgia alias inexplicabilem, intelligibilem reddit, que ita legitur.

72. Aqua salis aliæ descriptionis
Paracelfi,

Cap. 2. Tract. 3. Part. 2. Chyr. major. pag. 66.

R. **S**alem absque artis accessione ab ipsa natura albissimum (*sal gemmæ*) quem aliquoties fundes, post in pulvrem tenuissimum redactum cum succo raphani mixtum agitabis, post resolutionem destillabis, destillatum cum aqua portione succi sanguineæ destillabis adhuc quinques, in hac aqua laminatione solis per Antimonium repurgatæ in pulverem facile resolvuntur. Pulvis deinceps hoc modo præparatus Aqua dulci destillata ablwendus eousque est, donec nullum amplius salem resipiat, nam sal cum in ipsius substantiam non penetret, facile lotione abluitur.

In hoc processu sal Gemmæ fusum per methodum aquæ salis circulati succo Raphani dissolvitur, abstrahitur & resolvitur per deliquium, deinde sexies destillatur cum æquali portione succi sanguineæ. In antecedenti hujus Olei salis descriptione hæc salis fusio, in succo Raphani dissolutio & resolutio per deliquium non necessaria est, quoniam aqua salis circulati per se sufficit ut salis Essentiam separet à suo phlegmate. At in confectione aquæ salis circulati ubi utimur spiritu vini phil. absque dicta prævia salis præparatione, opus haberemus nimis tædiosum; interim ambo processus convenienter in menstrui pondere, perinde enim est, num sal cum sextuplo aquæ solventis cohobetur in oleum; vel sexies destilletur cum succo sanguineæ in æquali pondere. Unicum quod processum posteriore reddit inexplicabilem, eß incognitus succus sanguineæ, veramenimvero vel vini philos.

spiritum, vel Aquam salis circulati, ejus supplere locum, ex modo dictis pater.

Basilius sal commune spiritu vini phil. non quidem in oleum resolvit, sed in Lapidem viridem redegit hoc modo:

Viride salis Basiliī,
In supplemento libri de conclusion.

R. **S**al commune, quod calcina bene, absque fusione tamen, reduc in pulverem, resolve per deliquum in cella, vel in Raphano exciso, tum destilla ex arena igne celeri, & ascendet aqua; residuum in fundo pulverifa & aqua sua destillata solve, iterumque destilla; hoc toties repeate usque totum sal ascenderit, quod fiet quarta vel quinta vice. Ab aqua destillata abstrahē phlegma in balneo, residuum pone in cella in aqua frigida, & habebis cristallos, quas exime & solve in phlegmate; denuo abstrahē ad medietatem, & novas invenies cristallos, opus repeate quater vel amplius, quo sc̄pius enim, eo cristalli evadent fusibiliores. Quibus exsiccatis & in marmore tritis affūnde spiritum vini (phil.) rectificatum, quem toties à sale cohoba, usque dum videoas oleum salis coagulatum in lapidem transparentem viridem, quem reserva.

Paracelsus in suis Receptis iussit ut salis calcinatio perficiatur, adjuncta ejusdem fusione; Basilius autem in hoc processu prohibet hanc salis liquefactionem. Nos eam in dicta salis depuratione minus esse essentialē inde concludimus. Nec adeo necessarium aestimamus, sal resolutum per deliquum destillandum esse, ut inde fiat sal fusibile, cum Paracelsus ex sale fuso idem conficeret oleum docuerit, quod viridis esse coloris præter Basiliū ipse passim testatus est Paracelsus. Ita legimus de oleo salis viridi. Libro de male curatis, pag. 170. Chyr. majoris. De viriditate salis, Libro 4. de gradibus, pag. 154.

Ex Receptis observamus,

1. Menstrua hæc esse salium non tangentium Essentias.
2. Olea vel Essentias salium tangentium utpote Vitrioli, Et ea-

eādem quidem etiam posse consici methodo, ac non ad præsens, sed ad aliud pertinere genus.

3. Menstrua hæc ulteriori digestione vel cohobatione fieri dulcia, & transmutari in — Arcana volatilia, circulata minora sive Menstrua vegetabilia simplicia quinti generis.

4. Menstrua hæc dissolvere metalla in pulverem pro extractio-
ne croci vel sulphuris metallorum & mineralium modum mutuabi-
mus à Ripleo ex usu menstruorum fætentium :

Procedamus, inquit, pag. 145. Medulla phil. Chym. ad practi-
cam super corporis (metallici) debitè calcinati calcem. Præ-
parato itaque corpore, pone desuper tantum hujus aquæ com-
positæ (sub No. 70.) ut possit illud cooperire ad spissitudinem
dimidii pollicis, & statim ebulliet super calces corporis sine alio
igne externo, dissolvendo corpus, & elevando illud in forma
glaciei cum sua ipsius exsiccatione, quam oportet manuī arti-
ficiis removere. Et postquam calces relictæ fuerint, iterum bene
exiccatæ per ignem, addatur illi tantundem Aquæ quantum su-
pra, & sic in omnibus ulterius procede ut dictum est, & hoc
modo perseverabis in eadem operatione, donec omnes calces
fuerint bene dissolutæ. Quæ substantia bene dissoluta & subti-
liter separata atque in pulverem redacta, ponenda est in bona
quantitate aquæ ignis naturæ rectificatæ (spiritus vini phil.)
ut in eo vase bene obturato per calorem extrinsecus administra-
tum caloremque internum excitantem solvatur in oleum quod
cito fiet, &c.

Quando superfunditur menstruum (sericonis sub No. 63.)
super calces prædictas (metallorum) incipit ebullire. Tunc
autem si vas fuerit bene clausum, non cessabit operari sine igne
extrinseco illi administrato quoisque exsiccatur in calcem. Quo-
circà non debet apponi illius major quantitas quam quæ vix suf-
ficiat cooperire calces. Ibid. pag. 171. Nam in hac operatio-
ne quanto minus apponitur spiritus, & quanto magis corporis,
tanto melius & citius fiet dissolutio quæ fit per congelationem
aquæ. Cavendum ergo, ut dicitur in Rosario, ne venter sit
nimis humidus, quia tunc materia non reciperet siccitatem. At-
que hic modus servandus est, quoisque tota aqua exsiccatur
in corpus. Ibid. pag. 161.

5. Pulverem hunc metallicum aqua dulci ablui posse ab omni a-

cre-

credine. Adeptorum menstrua esse permanentia ex ipsis constat eorum confectionibus, & clarius patebit ex illorum usu in librorum sequentium Receptis. Nihilominus cum Paracelsus praesenti menstrui ablutione contrarium statuisse videatur, quapropter ne in errorem incidatis rotius Chymiae adeptæ maximum & periculosissimum, observationem unam vel alteram circa menstruorum permanentiam vobis communicare placuit.

Primo, Aquam ardente putta Philosophicam digerendo vel circulando dividere in phlegma & oleum huic supernatans, modo observatis in confectione Essentiæ vel spiritus vini philosophici.

Annotatis etiam eandem aquam ardente vel idem oleum ex ea confectum ulterius concentrari, & reliquum phlegma expuere; ipsummet, utpote merum oleosum, autem permanere cum terris inanimatis ita dictis, in saltum harmoniacorum tam vegetabilium quam mineralium præparationibus. Impossibile enim est ut dictum phlegma unctuosi spiritus Vehiculum cum rebus dissolutis permaneat, multo minus fixetur cum eis sibi adeo heterogeneis. Cum grano salis itaque intelligenda venit menstruorum, imo ipsius vini phil. spiritus permanentia, nempe quatenus menstrua haec sint unctuosa aridis permixta, minime suis aquositatibus diluta, quæ omnes ceu inutiles in fixatione sese separant. Exempla habebitis, Libro 2. de Astris & Arcanis & passim libro 3. de tinturis philosophicis.

Secundo, Menstrua haec non statim & primis vicibus permanere cum dissolutis suis. Aliquoties imo saepius affundendum est & cohobandum antequam pars ejus cum corpore dissolvente permaneat, ubi reliquum interea ascendit inalteratum.

Tertio, Nec Menstrua permanent cum omnibus rebus promiscue, sed uniuntur tantum sibi homogeneis, quibus cum ut remaneant, ratio dicitur. Sic menstrua vegetabilia simplicia permanent cum Essentiis, minime cum earum spretis corporibus albis; ubi menstrua vegetabilia composita corporibus hisce etiam adæquata totum dissolvunt in magisteriorum confectionibus.

Quarto, Imo quamvis quodlibet menstruum vel Essentia sit, vel Magisterium; Essentia autem altam præparet Essentiam, una alteram facile penetret & intime commisceatur, ambie tamen quamdiu sint diversorum generum vel graduum separantur ite-

iterum nec permanent, usque donec noviter extracta ad eundem alterius gradum provecta fuerit, tum tandem confluunt in mixtum natura & arte inseparabile.

Quinto, Circa menstrua mineralia haec annotabis, quod eorum aciditas eandem habeat rationem cum phlegmate vel aquositate menstruorum vegetabilium, quatenus humida sit, adeoque separanda in rerum fixationibus: Quatenus vero ex aridis salia mineralium (salia autem arida sunt acidis dissoluta) particulis constet sub dupli consideratione cadet.

In prima, Menstrui aciditas forte existens in majori copia quam necesse, vel circa dissoluti superficiem adhaerens facile abluitur aqua communis.

In secunda autem, eadem aciditas peritus admixta, & ab ariditate dissoluti absorpta, venenositatis causa facta est, & jam non nisi menstruis vegetabilibus ipsam transmutantibus alterari nequit. Paracelsus non salis oleum, sed salis acrem, quod in metalli substantiam non penetrat & facile lotione abluitur, abluerre mandat, salis autem unctuositatem unctuoso vini phil. spiritu permixtam, jamque unctuositati metalli unitam aqua communis nec tangere nec separare potest. Acidum autem in aridi penetralibus receptum vini phil. spiritu denuo corrigit, ne stat venenositatis causa. Attamen extat quidam apud Paracelsum locus, ubi singulare quoddam sanxisse videatur edictum contra menstruorum permanentiam: Varii modi, inquit libro 4. Archid. de Essentia pag. 12.. reperiuntur per quos Essentia quinta potest extrahi, videlicet per sublimationem, calcinationem, per aquas fortes, per corrosiva, per dulcia, per acerba, &c. quacunque via fieri potest. Ubi hoc simul curandum est, ut omne quod ad Essentiam quintam admixtum fuerit ob necessitatem Extractionis, id ipsum rursus extrahatur, & ita maneat Essentia quinta sola, nullis coinquinata rebus aliis aut permixta. Fieri namque nequit ut a metallis, & praesertim ab auro, quod non per se potest superari, extrahatur quinta Essentia, quin adhibetur corrosivum aliquod aptum, quod ab eo postmodum separari iterum valeat. Sic sal quod aqua fuit (dissolutum) iterum ab aqua extrahitur, ut haec sale careat. Ubi hoc tamen considerandum venit, scilicet omne corrosivum ad hoc idoneum non esse, quod non omnia separari possunt. Si enim Vitriolum aut Alumen aqua permisceatur, neutrum ab ea postmodum absque detimento vel

cor-

corruptione separari potest iterum, quin asperam post se remanentiam relinquant, ea de causa, quod aqueum utrumque sit ac similia duo concurrant; quod hoc loco fieri non deberet. Quapropter satagendum est, ut aquosum ad aquosum; aut oleatum (*oleosum*) ad oleatum; resinatum nullum ad resinatum; sed contrarium utique separare debet quintam Essentiam & extrahere illam, prout aquæ oleaginosorum quintas Essentias, uti de metallis traditur, extrahunt; & oleaginosa quintas Essentias aquosorum, ceu de quintis Essentiis herbosorum discere possumus. Sunt igitur post separationem & extractionem Essentiae quintæ separanda iterum corrosiva; quod factu facile fuerit: Nam oleum & aqua leviter separantur: At oleum ab oleo non, nec aqua similiter ab aqua sine permixtione extrahi potest, quod quidem relictum in Essentiam quintam, damnum invehere posset maximum. Oportet enim quintam Essentiam claram & immaculatam, absque permixtione cuiusvis esse collectam, ut uniformem substantiam habeat, qua totum penetrare corpus habeat.

Ne Essentia coinquinetur rebus ob extractionis necessitatem additis, præcipit, ut nulla materia aquosa menstruo aquoso: oleosa oleoso; resinata resinato; sed contrario quodam extrahatur. Regula hæc si juxta literarum sonum intelligatur, erronea est, tollit enim omnem menstruorum permanentiam stabilitam super istud adeò ab Adeptis decantatum axioma: Dissolutio corporis est coagulatio spiritus vel menstrui & vice versa. Tollit inquam omnem naturalem dissolventis & dissolvendi homogeneitatem, imò repugnans est ipsius Paracelsi experientiæ, qui nullum habuit menstruum quod cum suis dissolutis non remanserit intimè commixtum, ut ex illorum usu probabimus in sequentibus. Essentia autem coinquinatur rebus additis in sui extractione varie.

Primo quando Essentia naturalis vel seminalis extrahatur simili naturali Essentia alterius speciei; exempli gratia, Essentia croci inquinatur & confunditur cum viribus cinamomi in ejus extractione cum Essentia specifica cinamomi. Hinc non cum naturali quadam Essentia, sed artificiali potius sive cum spiritu vini phil. nondum specificato extrahendæ veniunt vegetabilium Essentiae.

Secundo inquinatur Essentia quando menstruum vel Essentia in majori quantitate, quam convenit, adhibetur in Essentiæ alterius extractione, qua quantitate qualitas Essentiae distœ diluitur, diminuitur, & veluti inquinatur; hinc amovenda est semper men-

menstrui superfluitas ut Essentia maneat per se sola absque omni permixtione.

Tertio inquinatur Essentia in ejus extractione cum menstruis acidis sive mineralibus juxta processus veterum. Acidum enim, etiam si intimè nulli commisceri possit Essentiæ, quia ipsummet non Essentia est, nihilominus facile ab Essentiarum mineralium ariditate absorbetur vel absconditur, & ita per accidens Essentiis dictis conjungitur, & ex re alias innocua summum procreat venenum. Istud itaque ut removerent veteres, primo Aquæ lotione abluerunt quod corpori adhærebat externe, deinde quod penitus fuerit admissum transmutarunt menstruorum vegetabilium digestione. In confectio- ne verum essentiarum cum menstruis acidis sive mineralibus juxta processum reformatum, alias duorum colorum dictum Paracelsi, dicta Essentiæ inquinatio, nullum habet locum. In hujus processus initio quidem acidum ab arido absorptum causa sit venenositatis ut in processu veterum; ast quum processus hic Paracelsicus ulterius elaboratur & quam ingeniosissime ad tantam perducitur perfectionem ut nullum amplius superesse possit aridum in quo acidum occultari queat, sed è contrario totum corpus convertitur in duo olea vel pinguedines, à quibus omnis aciditas facile communi aqua ablui potest, ideo nulla hic timenda est ab acidis inquinatio. Dictum Paracelsi ad hanc methodum referendum esse putamus cum ibidem de proposito egerit de ea, præsertim cum metallorum Essentiis oleaginosas dixerit menstruis aquosas id est acidis vel corrosivis extractandas; Herbarum autem aquosas, id est respectu metallorum minus oleosas, oleaginosas, id est, menstruis vegetabilibus conficiendas quæ cum non terminis communibus, sed satis obscurè data sint, ideo hæc suis discipulis, ad melius explicandum relinquimus, quæ si verò juxta literam intelligenda essent, error sane esset ne quidem in principe Adeptorum connivendus: Sed juxta veriverbum, Homines sumus, &c. aliquando enim bonus etiam dormitavit Homerus, & Paracelsi penha fuit ebria.

F f XV. Genus.